

魏叔子文集外篇

記引

記何始乎取足記其事始於史乎秦之有功德碑也以詩頌爲記陸平原文賦賦文詳不及記也至唐而體備後之言記者必曰柳宋以下議論勝矣

魏禧自識

魏叔子文集外篇記目

第十六卷

任氏大宗祠記

泰伯祠記

翠微峯記

吾廬記

新城縣學宮重修記

燎衣圖記

五真圖記

恨亭像記

孫豹人像記

經鉏堂記

敬亭山房記

白鳥紀事

畫貓記

元人標點五經記

瞿塘神祠記

尤展成像記

落落齋記

蓬園雙鵠記

重興延陵書院記

吾廬飲酒記

皆春堂記

白渡汎舟記

龍營記上

龍營記下

文木屏記

宛臯記

看竹圖記

有懷草堂記

重建平山堂記

洪武四年會試錄記

陳澹仙先生像記

楊仲子躬耕圖記

十二硯齋記

吳道行墳山碑記

揚州天妃宮碑記

重建法海寺碑記

重修金精山碑記

崇禎皇帝御書記

半山寺記

觀行堂記

一硯齋記

魏叔子文集外篇卷之十六

記

寧都魏禧冰叔著 諸子世傑與士編次

○○○任氏大宗祠記

宜興任氏族居西偏之篠里自南宋迄今傳世二
歷年幾六百代有顯人而大宗祠弗建十六世孫明
鉉病革以屬其子源祥源祥久乃得糾宗人爲之經
始於壬寅至丁未凡六年而成先是十五世景龍十
七世聰臣皆謀之弗就源祥乃與兄允淳叔祖尙友

姪憮聚米百石子貸以爲權輿息既饒族好義者視力蠲三百金以下一金以上祠成源祥爲文述其事

賀云提綱

廟制祭禮宗法皆井井有條一準於古通以今所可行者於是再拜屬禧爲記以勒於石按禮廟制自天

子逮庶人皆有定數庶人僅得祭禰於寢其後推恩

至於高祖後又推恩得祭其始祖然自高祖之父以

過二世多或數十世百世其子孫蕃衍千億富且貴而春秋不祀幾等於若敖氏之鬼仁人孝子怒焉痛心故雖以聖人之禮時王令典所不許而世之悉奉

其始祖以下合食於廟者在在比日然其賢者行

之不以爲過然則士庶人之大宗合祭先祖固本心所不容已而所謂緣人情制禮禮以義起皆可通其

意任氏廟始祖居尊而先祖祔合者兩旁稍降皆南

向配享者以德與爵與功論東西向次則別祭於樹

風堂又有錫類堂者以及族衆是雖非禮之常經然

亦可謂厚而別矣或謂如是則貴賤無等是不然天

子諸侯皆各爲一廟故五廟七廟貴之中亦有其等

士庶人設位合食於一堂未嘗僭廟制也或又謂天

子諸侯親盡則祫何有於士庶人夫天子諸侯皆有

祭禮

祫廟有祭而士庶人遷主既埋若不復設位以祭則與棄祖而絕世者同矣棟之制俎豆之數獻祫之文皆足以明等威防僭越而顧必禁人之祭其先祖乎禧故以任氏爲無背於禮也任氏宗法有八一日

另提宗法

宗子以主祫獻二日宗長以定名分三日宗正以總綱維四日宗相以揆禮義五日宗直以資風議六日宗史以掌簿版七日宗課以筦錢穀八日宗幹以克幹辦而養老卹孤獎節勸善勸學勸農助婚助喪濟

提起作結

荒扶患賑貧其法將次第舉焉是舉也源祥殫厥心力慎終思復上稟於長下詢於兄弟子孫乃克有成舉數百年之曠缺而允淳憬尙友葆雄繩魄繩延西邑有勞績甚大法皆得書其他義輸者別有目錦之碑陰焉嗚呼世之人不知尊祖敬宗而宗法之亾也久矣人心風俗之邪正天下治亂莫不起於門內故宗法兼小學不立或小學不興而欲人材衆多天下長治亾有一也誠能舉任氏法風之天下天下其將庶幾則豈惟一姓之幸任氏子孫世世念之哉

賀天石曰時祭祭四親合食祭遷主兩不相碍丘文莊擬併祔四親於先祖任氏廟則以世遠位多難以成禮故爲等殯之法皆所謂禮以義起得叔子發明有神世教不小文之高古直逼昌黎張古迂曰文以法勝如大將御軍偏裨以下悉稟節度而氣勢縱橫所向如意

○○○長林里泰伯祠記

歙縣之長林里吳氏聚族而居新有泰伯祠吳君孟明與其弟之子榮第所建也先是吳氏祖遺泰伯畫像歷代並著璽書相傳天下有六長林吳氏得一焉榮第之父幼符更命工斲木搏土按畫以像幼符又委四方博訪子姓散處者聯叙世次爲譜謀建祠奉像因以合其宗人而早世弗克就死乃屬其兄與子祠成榮第謁予爲記惟泰伯之讓孔子稱爲至德其後以季子之賢世不能無議獨是泰伯無子仲雍有

秀才二十三集
子季簡天下吳氏皆仲子孫乃咸祖泰伯祠祀者所
在而然何哉豈以伯至德爲聖人所稱慕於其名而
祖之抑神子孫君長吳國千有餘年其食報最長而
伯以至德無子後人祖而祠之亦天所以報善人與
然吾于是蓋有見于古人兄弟之義也泰伯仲雍兄
終弟及名爲兄弟而情同父子伯子仲之子爲世父
世父與父所殊不過尺寸之間漢疏廣受燕居相告
語猶有父子之稱焉後世不明此義世父叔父僅虛
名相奉而真意消亾仕宦之家至有弟建祠祀祖父

其子孫奉弟以配食而兄不與一廟之中弟蔑其兄而父絕其嫡者且夫泰伯讓而仲雍不從則國非季歷有也伯讓而仲卽讓伯逃荆蠻仲卽逃荆蠻兄弟孝友無間雖其形體如一人之身又計伯仲之卒在商盛時商人弟及于禮尤篤其後子孫亦遂忘伯之無子與其姓之蕃衍在天下者實仲之祚胤故相率祠祀泰伯羣然祖之而不以爲怪是祠也蔽志于幼符經始于孟明成于榮第某歲月榮第更丹牘其像冕服裳舄咸庀以妥神靈而記諸豐碑榮第少年能

三
承父志終世父之事蓋不失吳氏孝友家法又于祠旁建別屋祀其父使後世子孫無忘祠所由肇皆盛事也遂不辭而爲之記

越辰六日從兄弟一體處發明相祖之義自是特識至論非回護也中間挿出天報善人一語與至德之嘆更相表裏

涂子山曰惇雅淡厚不設議論波瀾之態真維風善俗之文

○○翠微峰記

翠微峰距寧都城四十里金精十二峰之一也四面
削起百十餘丈西面金精者蒼翠袤延如列屏東面
城大赤如赭中徑折自山根至絕頂若斧劈然或曰
長沙王吳芮之所鑿也張麗英飛升蓋卽其處相傳
自上古來無或登而居者歲甲申國變予采山而隱
聞邑人彭氏因坼鑿磴架閣道句于山之中幹辟平
地作屋其後諸子講易益所謂易堂者也予同伯兄
季弟大資其修鑿費丙戌春奉父母居之因漸致遠

近之賢者

先後附焉

山左榦起西閣平石建木簷牙白戶欄楯出雲木之半右幹作橫屋東面大江城郭歷歷東南隅閣之腋構草堂阻石爲池蓮華滿其中日勺庭予獨君之環屋樹桃華彭子躬菴詩曰雲中蓮葉秋池艷天半桃花春井香蓋謂此也山前後各有並石如桃實皆曰雙桃石自易堂郎門經高柳度方塘北循左厓亂藤幽蔭數十步有泉從石罅出來清冽秋冬大旱無絕

處
山云是中
色生最中
文亦事中
數目中

流瀦以爲井而後之桃石當其缺故謂之日桃井加
露板爲汲道行人望之如雲中壬辰秋土賊四起彭
氏屬於賊諸子去之彭氏遂據諸財物因以脇諸子
于是邑帥遣人謀誅之詭而登彭氏壇甲飲之顧謂
其人曰吾嘗笑荆軻提一匕首入不測之強秦自尋
誅滅豈不甚愚哉其人笑不答旣與爲觀要害地因
左顧遂發七首揕其喉据石礮首碎之復還飲所取
二佩刀去山遂墟明年伯子歸自廣卒復之諸子之
散處者咸集以謂彭氏旣當罪功不可滅乃祔而祀

諸社凡登山左自金精右山塘至者皆經前雙桃石

迤北至山門緣坼上磴四十餘步穴如甕口登者默

從甕中出側身東向僂行十餘步又直上百十磴日

烏谷谷如陶穴鞠躬進之上穹隆如屋架樓其中羈

蹊徑眺城邑爲守望焉又上數百步梯磴相錯凡數

絕乃至于頂蓋此攀躋廻竟里旁無援輔自下仰之

如孤劍削空從天而仆上則岐而三之中高右縮左

展結屋者必山翼山中灌木鬱勃陰森見者疑有虎

豹然自猿狹飛鳥而外則皆不能至焉庚辛間有

以之
尾之
致遠出

北善兵者至門而窺去謂人曰就使于壅口徹其閘使三尺童子折荆而守之雖萬夫誰敢進者先是豐城人數百里來覓躬菴間關山下遇樵者指之曰從此登客笑而怒曰此豈人所到耶遂竟去壬寅三月伯子將北行畫圖于扇命予記其略或曰此山名石鼓峰也土人以其東面赤群呼曰赤面石躬菴舊有記特詳

陸水修曰奇地奇事奇文此等文唐人以下不能作

其健齋日寫登山處文中有畫

○○○吾廬記

季子禮既倦於遊南極瓊海北抵燕於是作屋於勺庭之左肩曰此真吾廬矣名曰吾廬廬於翠微址最高群山宮之平疇崇田參錯其下目之所周大約數十里故視勺庭爲勝焉于是高下其徑折而三之松鳴於屋上桃李梅梨梧桐桂辛夷之華薈於徑下架曲直之木爲檻堦以蜃灰光耀林木客曰斗絕之山取蔽風雨足矣季子舉債而篩之非也或曰其少衰乎其將懷安也方季子之南游也驅車瘴癘之鄉踏

不測之波去朋友獨身無所事事而之瓊海至則颶
風夜發屋臥星露之下兵變者再索人而殺之金鐵
鳴於堂戶屍交於衢血溝瀆客或以聞諸家家人
憂恐泣下余談笑飲食自若也及其北游山東方大
饑饑民十百爲羣煮人肉而食千里之地草絕根樹
無青皮家人聞之益憂恐而季子竟至燕客有讓余
者曰子之兄弟一身矣又唯子言之從今季子好舉
債游達達無故衝危難冒險置而手不禁何也余笑
曰吾固知季子之無死也吾之視季子之舉債冒險

危而游與舉債而飾其廬一也且夫人各以得行其
志爲適終身守閨門之內選奐赳赳蓋井而觀腰舟
而渡遇三尺之溝則色變不敢跳越若是者吾不強
之適江湖好極山川之奇求朋友攬風土之變視客
死如家死亂如死病江湖之死如衽席若是者吾不
強之使守其家孔子曰志士不忘在溝壑夫若是者
吾所不能也吾不能而子弟能之其志且樂爲之而
吾何暇禁季子爲余言渡海時舟中人眩怖不敢起
獨起視海中月作乘月渡海歌一首兵變閨門而坐

作海南道中詩三十首余乃笑吾幸不憂恐泣下也
廬既成易堂諸子自伯兄而下皆有詩四方之士聞
者咸以詩來會而余爲之記

涂宜振曰記吾廬只數語通篇却全寫季子生平
胸次文字便活脫不羈其着眼着手處別有懸到
慎勿作逍遙游齊物論看

丘邦士曰此文之妙寫季子意全不着慷慨磊落
意况文字亦全不爲活脫不羈只語語真到而徒
着一志字并不指悉志何所屬余嘗謂日人稱左
傳文字高深若山水左傳高深處三千十未看見
得左傳高深處

○○新城縣學宮重修記

古者天子諸侯建學以教士。因祭先聖先師於其堂。其後天下州縣皆得建孔子廟而學。或廢又於孔子廟傍作學舍。居生徒相誦習講課。至今數百年。仍其制。特听爲學者。僅存其名。而古者教士之良法美意。與其文具。則一無所與。蓋教化不興。士之不出於學也久矣。然且崇其貌嚴其祭祀。使有志之士。一嘗否。嗟慨慕因以上求乎。建學教士之義。則所以存于百於什一者。猶有其具。及其凌夷。舉所爲孔子廟。視其

朽頓荒蕪若唐肆之不足介意士心蕩然無所繫屬而古學校之意將盡漸滅而不復有所存嗚呼是誰之咎也新城學宮圯久而不治邑大夫宰涂公國鼎憂之時方繕城命其子曰他日無廢命邑既被兵吾蓋圯東西廡以下盡墟歲春秋俎豆無所布有司掃地以祭於是己亥閏三月公少子斯皇偕其兄子大誄大誄大訥修舉之秋九月工成又十一年己酉寧都魏補來授徒得瞻拜堂下邑君子言曰塗氏克世其德功在聖人之廟然不自有其功吾黨春秋承祀

不。忘。敢。請。子。爲。文。勒。諸。石。禧。乃。再。拜。言。日。自。世。教。既。
衰。釋。老。之。徒。汎。濫。於。天。下。蓋。數。千。年。矣。而。釋。氏。爲。絕。
盛。大。江。以。南。風。莫。靡。于。吳。浙。吾。豫。章。則。建。昌。之。新。城。
三。里。之。城。梵。宮。浮。圖。鱗。次。斥。地。幾。三。分。之。一。蓋。福。田。
利。益。之。說。入。於。人。心。沈。浸。堅。固。而。不。可。解。學。士。大。夫。
率。借。徑。孔。孟。取。富。貴。其。後。得。志。不。得。志。則。惧。罪。倅。福。
利。皆。逃。而。之。釋。而。井。里。細。民。相。觀。勸。成。風。俗。不。可。禁。
止。求。所。謂。豪。傑。之。士。不。待。文。王。而。興。者。固。難。其。人。新。
城。郊。南。有。赤。溪。爲。宋。李。覲。讀。書。處。禧。少。讀。覲。袁。州。州。

學記愛其文明健所以教人臣人子者甚篤邑君子於其文誦之久矣然當時官府倡議經營於上吏督成於下踰年告成觀猶重其事爲之記余氏當世之極流以先公命竭一家之力不七月而舉之視義州爲何如而邑君子久不忘其功則又因是以求古者

建學教士之義是役也寢廟率舊制益亟祇易柱棟之壞因戶維新建廡門加弘敞焉木石甃塗丹漆之費白金之兩以十計者凡一百有五十於是相材鳩工早夜勤事不怠則大謹功尤著云

朱秋崖曰文具大原委却極擺脫常套減慨
淡厚言外無窮

○○○燎衣圖記

光武燎衣圖唐吳道子画友人程邃得之新安僧漸

江邃字穆倩博雅能詩攻書画好藏古人名跡此圖

尤有神理

錢云總錄

人入馬一驢一牛二犬一大石立若闕

者二茅亭樹葉脫枝槎杆高出亭上者二

通篇言亭爲細從亭今出內外前後上

人并釜竈雜器亭外五人大樹一在亭前右倚石一

倚亭後前樹下二牛互臥石後立驢兒頭頸有黑犬

半出信言張口吠左立人

再錄

箭牽馬立石下旁刺二旆卷其帛右三面兜鍪出石

皆亦見劍鐸矢之羽弓簫亭內三人短項隼鼻要弢

乃左膝跪地下手厝薪吹火者一人鄧禹兩手奉麥

飯向釜間來豐願者一人馮異一人光武帝鞠身燎

衣背胡床向火立細視亭屋內又二人從壁柱間窺

各見半面光武帝豐願隆準大耳高額微髭須縝髮

者端從際額目光澄渟不耀其武伏波將軍所謂帝

王自有真信與左壁上有更始日曆下壁泥落見編

竹茅亭烟突出屋脊北風斜吹烟穗拂高樹枝想見

于時寒冽通幅周尺從五尺有奇衡二尺五寸所画

文總叙

備來言異主所未及

特書

人皆長高_小面

人物

大見

布

工

建

牛馬稱是樹木大徑二寸八

人

物

事

建

分亭柱徑一寸三分穆倩云漸江蓋名諸生世變棄
妻子爲僧更以画學名言此得之新安吳氏也予季
第禮嘗經光武波茶涼村作詩予讀之慨然今覽此圖不勝
歎息呵凍書此辛亥臘月朔日易堂魏禧揚州記

朱錫鬯曰不意昌黎画記後更有此作及孫像記
他人無此胆力妙在筆筆變化無一雷同處

錢梅仙曰處處細碎叙寫却鉤連繩貫成一大片
段須看其着意處有着力之妙不着意處有不着

意之妙着意處如画龍點睛不着意處如頰上三毛若徒以昌黎画記擬之猶未知其深也至結處忽入感慨又動人千古悲涼

○○邵子湘五真圖記

邵子命梁谿生圖其像。凡五變。屬予記之人。不變者。心。然。唯。心。能。變。境。故。意。之。所。造。則。無。求。不。得。其。意。西。方。之。書。曰。思。蹠。縣。崖。足。心。酸。澁。談。說。酢。梅。口。中。出。水。二。柱。曰。內。想。大。火。久。之。覺。熱。內。想。大。木。久。之。覺。寒。知。此。說。者。天。地。之。德。皆。可。同。之。且。夫。

一人之身

意。至。而。境。變。境。至。而。形。變。雖。倍。五。至。于。十。遞。至。百。千。萬。億。而。且。何。有。焉。邵。子。高。才。工。文。章。有。用。世。之。志。爲。

遺世之想以讀書始而將以逃禪終其

翁昌赤纓
坐大石左

手展卷右手着膝上听然而笑梧陰覆之修竹環其旁木淙淙循竹間去曰展卷圖其二披襟搖羽扇坐

大柳樹下左手反据樹根一童驅黑牛過其前水田

中白鷺三一飛去二掠波欲下曰課耕圖其三戴淵

明巾棕屨布袍支方竹杖向丹厓疊嶂間行曰游岳

圖其四坐小漁船箬笠持竹竿一手自然須眼着釣

絲船尾隱汀蘆中蓬艤施慢慢中見書帙茶具曰垂

竿圖不作洞庭煙水蓋邵子青門圃間溪汀也其五

爲頭陀形跌坐山巖下巖上翠藤青蔓纏絡搖綴藤
花簌簌欲墜曰蕉園圖

陳椒峰曰嘗憾昌黎畫記一結不稱全文之古如
此格力真爲過之而用意處更高邁絕倫

○○僕亭像記

此僕公也。像之者誰謝文侯也。誰記之易堂魏叔子也。魏子見公九年也。往見于西湖淵乎若泉也。寃乎若雲中之鴻也。後見于揚州軒軒乎若鴻翥沛乎若泉之流也。然而兩見之也。則皆僧幅巾上衣下裳朱履也。誰像之公之子汾請于文侯像之。魏子曰公志也。或曰僧曰若是焉僧也。神穆然而清然而秀發于外。樸匕然誰使記之汾請記之汾也。知句公著書布天下。天下曰西陵名士徐世臣名士何以僧也。僧故。

名士故記之也。魏子見公九年也。

應嗣賓曰不以梵語作須但贊世臣之爲僧得立言之妙

沈朗思曰淡宕中有深意

○○孫豹人像記

墨所加縱六寸。衝八寸。有衣有裳。有幅巾。有帶有履。
有大銅孟。平底闊中而巨口。有杯有高木杯托。有盤。
磁達。且蹲有安石榴。有桃桃三實。榴二綻。其衣子齒。
齒然皆有綠葉。藉於盤中。孟有長瓢。見其柄右肘露。
○忽○出○右○用○妙○
加孟。左手握柄袒胸而笑。白須胥疎。振動目耽耽。視。
木托上杯。左手拊膝。膝左陞右膝衡屈。徇地坐朱履。
裳所不掩者。頭三分加一。裳色薄青。衣形毫衣。白而。
以丁種氣至再至
青其純幅巾。色視裳淺。類綃。見短髮。大銅孟深碧雕。

至

四集

善用

少者

者

者

者

者

者

者

者

者

者

者

者

者

者

者

者

者

者

者

者

者

者

文疏有環杯磁白木托朱色實榴桃盤類杯杯孟居右榴桃盤居左身倚孟正面而身右欹帶左委自巾放履高數盡於紙是爲灑堂先生像其腹皤然一孟所忽言此四字有人不得見也吾見於瓢於杯皤然其腹所有人不得見也吾見於目眉鼻口須鬚巾衣帶辛亥立夏日易堂魏禧記

汪舟次曰從昌黎畫記變出一格畫記人物多故文以整齊明白爲難像記人物少故文以錯雜紛複爲奇亦古人所論建都衢巷曲

直法也○溉堂好飲酒以詩名天下三十年
此文不着一苟酒字并無一之字助語特特
見奇

劉彥度曰文在儀禮考工之間句法於突拙
中極變化之巧

○○○經鉏堂記

昆山葉文莊公名盛有賜第在縣治東七世孫九來於其東偏更堂焉榜曰經鉏表先志也按葉氏自唐宋來多顯人入元子孫隱居耕且讀書至文莊始以尚書顯人比之兒寬昌言大業載在史冊爲正統景泰間名臣葉氏遂世治尚書仕宦顯名天下閔子馬曰學猶殖也葉氏之爲殖多矣然其先世自至元以還豈其力世世不足致仕宦蓋治經者貴明經意不必盡如寬以尚書致通費用經術緣飾吏事乃足明治

經之效人言葉氏先世以鉏爲經季世以經爲鉏九
來名堂其指得毋有是而余與九來則又皆幼治尚
書九來好學能文章早歲起名譽於經玄無不究予
嘗疑武王克商式商容閭釋箕子囚封比干墓舉逸
民善人是富獨於伯夷叔齊無聞焉孔子曰民到于
今稱之上不及天子中不及公卿大夫豈叩馬之諫
非忠非孝之譙詈固有由然而直道獨在草野歟此
後世賢人主所不爲而謂武王爲之無是理也箕子
殷室至親乃爲武王陳洪範則又何說周以農事開

國幽風之詩三致意焉周公作無逸以告成王一則曰知稼穡之艱難再則曰知小民之依故農民苦樂之故賦斂之輕重天下治亂安危之本也然後世急徭役嚴刑重征以困苦其農民而天下亦幸苟安而不危自漢唐以下時或而有豈聖人同道同事之言有時而不信歟九來

世傳尚書自文莊

公以來必有其說而九來又告予曰吾遭時詐譏行將退耕於野以希先世之志余因九來之請爲記更願有以質九來使報余也

魏書子文集卷十一
歸元恭曰帶經而鉏成語舊事從而論世談經旨
義遂淡又妙蘊藉不露

徐禎起曰通篇俱架空立論洗脫一切凡腐然空
處皆有指歸須得其語語著實處

○○○敬亭山房記

登州姜如農先生有別業在吳門曰敬亭山房敬亭者宣城之山也蓋先生以直言忤旨廷杖詰免死戍宣州衛未幾國變先生曰吾不可以歸也轉徙浙東久之僑吳門得故相國文文肅公園居之日我宣州一老卒君恩免死之地死不敢忘遂以敬亭榜其堂云當崇禎季年先帝焦勞銳于爲治臣下不稱任使負上意上寢疑羣臣不可信而言路是非貿亂一二直言敢諫之臣又多議論失平或迂踈

無裨實用。上數有貶斥疾威之下。罰不當罪者有之。從古偏聽生奸誅斥諫臣者往往至亡國。先帝不幸國亡人每追咎于斥諫臣之故。然其得失要當分別論列不可徒徇君子虛名全歸其過。君父先生同時有名臣亦嘗論時相退而補牘與面奏語前後不相蒙。上震怒以爲欺罔幾抵極刑是以持兩端得罪。

其事與先生不

同而國亡後猶憐惓然不能釋其懟怨先生蓋不僅加人一等矣。先生抱膝讀書山房中不與世事者三

十年有二子甚才教以古人之學予至吳慕其義先謁先生而先生油油然和且直又若未嘗身之爲忠節然者予因歎近世士大夫登巍科躡顯仕則德其座主與主爵之吏稍有降黜則怨君父至遷謫外地乃悍然敢不之官而大吏且以賢能稱職首登薦疏雖世所稱賢者亦不免嗟乎天子可貴人不可賤人可予人不可奪人也善則歸己德則歸他人而過與怨則歸君父臣子之用心當如是耶先生名采中崇禎辛未進士令儀真以最擢禮科給事中山房故美

林水前此爲文肅公薦圃又前此爲副使袁公祖庚
之醉穎堂三公者皆賢人吾將比柳子之賀丘遺也
遂因仲君實節之請爲之記

歸元恭曰平心核實之言至中至正非苟論君子
亦非曲護君父也而文之格力亦高

○○白鳥紀事

吳方漣御史有先壠在歙西新安山葬百餘年無達者。葬師皆曰不宜貴人然壠上多長松望之鬱然。辛卯春白鳥數百忽集松上狀類鷺而小或曰雀也松頂若積雪鄉老以爲不祥童子每持竿驅之人或仰投石擊松枝折終不去益多是秋方漣試浙江中式明年成進士于是人皆曰白鳥祥而葬師更盛。稱是壠爲吉壤及方漣司理西粵白鳥漸散去里人私相謂五嶺瘴癘地司理君恐不生還耶庚子春白鳥又

大集未幾方漣以卓異取御史魏叔子曰白鳥之兆其信耶。其偶然耶。然且至再則信也。人或疑其不祥或以壠不宜貴人。人之智固不若雀哉。或曰吳氏先世有隱德故雀兆于壠。或曰方漣孝克念其祖故雀兆于壠。或曰雀白色子孫當爲清白吏楊震先世以雀貴其莖致大鳥惜不載鳥羽何色狀且類雀否。或曰古雀爵文通魏尚曰爵命之祥故雀兆于壠。

朱錫鬯曰布格以拙處見致而文情惝恍如高林雲烟形態不定

附錄

吳方連侍御以論事亢直聞海內自言辭雋
之年有羣白鳥集祖墓上庚子鳥復集遂拜
御史或曰此祥也寧都魏叔子爲文紀之夫
尖祥之說儒者所畧况禽鳥尤物之至微者
乎余獨怪當方連爲諸生時落落然與疇伍
無異及有言責矣其言或聽或否猶未能盡
見之施行世幾莫有知方連者而鳥則知之
何耶士策名登顯仕非難抗灑任天下事爲
難故策名登仕世之所謂祥而實無當於感
應之數若方連之所立如此則雖欲指白鳥
之非祥豈可得

歎構李曹溶跋

○○畫貓記

壬子六月宿興日並直危俗傳二危合畫貓風輒辟去吳中王忘菴故工是宗人石園自崑山買舟來乞畫畫成予適至屬記之豎尾側首聳身左顧而攫兩目光橫橫射人貓類虎禮迎貓除田鼠並虎祀近世貓失其職與鼠朋爲奸食主人之食不除其害又益害焉不虎而鼠矣郅都寓像邊人不敢射似固有勝眞者抑忘菴志在除害畫有神不以日與是日也予亦索忘菴畫石園記之

王鼎中曰諷刺刻淡文多轉折而無迹筆力最高

○○汲古閣元人標點五經記

常熟毛君辰

字輔季，承其家學

好搜輯古槩本考訂討

論正世本之失嘗悼五經爲萬世文章之祖古聖賢道統治統所寓而字義訛錯章句倒置莫由考定於是頓首告先聖願得五經古本訓正世俗未幾得元板春秋胡傳於書賈丁氏已從錢君頤得元板詩集傳從馮君班得元板易傳義從陸君廷保得元板書傳輯錄纂註而禮記舊本禮記作折求訪百端終不能得久之

之震澤葉君樹達所見架上有舊書隨手抽覽則元

板禮記集說也然止八卷餘悉逸去展乞以歸且喜
且恨於是更頗首告先聖願得禮託之闕者後以語
何君畋畋云曾見陸君貽謨有禮記舊本亦殘缺貽
謨展外舅貽典字勑從弟也展欣然立折柬往索之
來則適合前書九卷以下標識皆出一手於是五經
咸具展慕工補綴裝潢以五色紙分護五經既成肆
凡以拜先聖及告其先君晉字子晉在白是每歲元旦
此○處○人○先○世○法○好
設先君遺像則必陳寫○得○生○色五經而拜之蓋展先君博雅好
古多藏古本書所自校讎刪之書精工絕天下天

下所稱毛氏汲古閣書是也。辰其季子云壬子九月
禧從虞山訪辰出藏書相示自盥手捧五經置几上
日辰不肖不能繼先人志獨得此藉手報先人若有
神焉相之者願予屬筆記之因隨手指示毛詩經文
與世本不同者三十三字嗚呼五經列波瀾頓挫學宮爲三百
年教士育才之本土功名於是乎出而訛謬苟且沿
襲相踵不知其非一經之誤至三十三字况其他諸
子史百家之書非朝廷所建置海內戶誦而童習其
訛謬又可勝道哉書傳纂註有至順壬申二月吳壽

民識云尚書標點王魯齋先生凡例朱抹者綱領大旨朱點者要語警語也墨抹者考訂制度墨點者事之始末及言外意也大略與四書標點例同謝集傳亦墨朱標點易傳義黃朱有元人印記後入袁氏有五印又傳馮班辰云班字定遠與先君子同執經於邑魏叔子先生名冲之門有馮班印以世誼遂贈此書禮記集說亦有元人標題按三經標點皆類經序小傳黃魯齋先生義例魯齋追叙名栢金華人博學精義以古今自任德祐間賜謚文憲天下學者宗師之所聞書多手摹

春秋

戶識諸經咸出其本理有固然獨春秋胡傳用筆五色點抹以左氏公羊穀梁傳標於上視諸經尤工密禧反覆其五色殊例處了不能得識云至元三年後丁丑秋八月七日陳留邊子昌手整於姑蘇鄧助仲家塾有邊氏印記宸云先君子於天啟中得宋板胡傳亦五色筆闕例與此本同宋板序後有論名諱劄子進表及綱領類例等十三番爲此本所無悉倩善書者摹寫補入標點出魯齋與否未可知要於此想見古人窮經之學致精極研不敢鹵莽如此禧惟宸

少年窮經志尊徃聖詔來者卒得畢所願而此書傳
四百餘年屢經兵燹幸存不毀以至於今又獲全書
標點如出一人蓋亦天下之神物也末世多故後此
流傳聚散都不可知禱故纖悉紀載不敢避煩冗用
以示後人彰表之志。又云近見元人臨魯齊標點
史○漢○附○傳○法○又○與○吳○儀○
四書在泰興季御史振宜家款例與五經同云寧都
魏禧敬記

陸勅先曰有開有闔有詳有簡叙事議論間出觀
其通篇間架分扇合筭處長短大小斤兩悉稱自

是造凌雲臺手

錢梅仙曰絕無五經鋪敘套語又須看其化五段
之妙處筆法高老

○○瞿塘神祠記

瞿塘神祠者不知其名所自居人戈氏世奉祠者也常熟縣東南三里有戈莊戈氏聚族居之毛君子晉實其出將葬父虛吾公母戈孺人以筵簾請於陳司徒之神其蘇曰還歸毋家初毛君卜地數處墾師或言戈莊背山面湖吉者君至是爽然曰神告我矣然地皆居人君間以情試之戈氏曰吾黨素德虛吾公公又吾出當徙居以成君孝毛君乃別營居舍視故居有加既成操舟携尊酒餕餧而送之酬其地以

十倍之直。戈氏大喜曰。甥固厚毋家人既葬而瞿塘
謂我何。於是新其祠。勅子孫世世祭墓者先享神而
拜虛。吾公毛君卒歲久。祠漸堙。若季子黼季念先人
孝思不可以替。更謀修飭之立石。示後人。請記於予。
予惟世俗背義。邀福有生不養其父母。死不祭其先
祖。而於鬼神祠廟。則拜手搏頰。膝行奉牲醴。若惟恐
其不歆。嗚呼。使神而聰明正直。非惟不享其祀。抑將
降以災。安有神而福不幸。不弟之人者。毛君篤厚塘

之祠凡皆以孝其父母也而黼季又能推父之孝以
貺於神詩曰孝子不匱永錫爾類毛氏子孫其克念
之不可以怠是爲記

錢梅仙曰以孝字作柱推本毛先生篤行是有關
世道之文

陸勅先日寫出淫祀一段喚醒愚人煞是吾儒務
民敬鬼學問

尤展成像記

巨柳蔭其上竹環其左湖水演漾澄渟于其下則有偉丈夫科頭跣足踞石而坐觀童子垂釣釣絲沉水中竹竿嫋嫋欲動若魚觸餌彼丈夫者得魚不喜不得魚不怒目睭睭若有所思丈夫者誰悔庵尤先生也悔庵曰吾嘗從政烹鮮之義吾聞之矣陽鱠吾棄之矣如山之鰲運海之鯤彼童子者嘗得之而吾且以閒廢也吾之齊物也久矣吾視吾才名若冠履然可委而蛻也坐石臨水哉軒悔庵自作水哉軒記翠

微魏禧作悔菴像記

宋旣庭曰寫生處不難難在意思含蓄處味之不

窮

○落落齋記

江陰李忠毅公有賢子曰膚公嘗刺公文行於世題曰落落齋集蓋公所自名其讀書之室以見志者也屋三楹潔樸無華前墀方丈立石數笏植楠杜鵑數株自公爲諸生讀書于此後公劾逆璫詣獄死膚公方九歲奉遺命厝櫺棺齋中夫公之神靈安此久矣考公生平于世多落落難合自諸生歷官侍御史皆然不獨劾逆璫一事小人于世毀方求合遂至無所不至孔子進以禮退以義伊尹非義一介不取與

伯夷望望然去之狂之寥寥狷之踽踽涼涼孟氏之
嘗嘗皆是志也世之工鄉愿苟且偷安動以抑下惠
之油油爲口實獨不思三公不易其介爲士師三黜
非落落其孰爲之予生晚不獲見公幸因膚公請叙
公年譜壬子九日又同吳霞舟先生之季子公及訪
膚公赤岸得信宿此齋肅然如臨神明焉古之名賢
見其遺器敗履所偶一經過觴詠之地猶爲之徘徊
戀慕慨然于九原之可作况交其子而起處其讀書
樓魂魄之地孟子曰頑夫廉懦夫有立志其無愈于

聞風之興也歟。膚公當國，變棄諸生性疎懶，不治事而獨好學，以詩文自娛，入共齋書帙，縱橫凝塵滿席。膚公方吟哦不輟，余以膚公之爲子，殆無愧是齋者。于是復因其請爲之記。

周子潔曰：發揮落落之義，多篤論可味，未段又足當膚公一小傳矣。

○蓬園雙鶴記

鶴千歲而玄又千歲更白故禽之壽者黑曰烏白日鶴仙家多驂鸞控鶴之說故鶴尤貴吳門申勗菴先生家有閣曰來青閣前後有松有石有藥闌曰蓬園歲戊申有大鳥翩然降於南除羣笑而譁曰鶴也鶴也明年己酉先生八十初度月在仲春閣之後復一鶴來止而不去蓋一雌而一雄客共驚曰此壽徵也天命之矣又三年壬子寧都魏禧來吳門聞斯事既得交於先生退而歎曰鶴精神潔清雖處閨闥翛然

有山林之致。先生以長者。鷗皎皎之節。世無所縕其羽毛。物實以類應。豈惟徵壽。吾又聞先生大父文定公當明農時治第。吳趨鞠二鶴。每燕客。則二鶴迎於門。坐定。酒行。則展翅共舞。和鳴久之。下階而就食。何鶴之多異也。文定年五十七致政家食者。又二十四年。而大司馬大參公皆年踰八十。申氏世多壽者。則以雙鶴徵先生之壽亦宜。

金孝章曰。前後敘致古雅中間畧發議論。尤覺波瀾老成。

○○重興延陵書院記

常州爲古延陵地吳季子所封邑故郡縣季子祠廟
最多舊誌有延陵書院故址不可攷蓋其廢而不興
者不知幾百年矣歲辛亥郡太守駱公鍾麟慨然以
風教爲已任有意興復之而延陵裔孫武進諸生發
祥鬻產以謀建造於是就郡城雙桂里季子祠西偏
之廢址創復古延陵書院太守時與郡邑之大夫士
講學其中未幾太守以憂去而新太守紀公堯典復
振興其事講習如舊時常州爲古人文之藪倡明

道學者代有其人書院之設自南宋周伯悅先生至明孫文介張清惠凡四五建至於今廢墜者數十年一旦得賢有司起而舉之常之大夫士觀感興起

彬彬乎道德之林矣書院凡爲廡爲堂爲室若干區

地廣若干畝作於某歲月落成于某歲月發祥竭力

經營之宜興邵贊協圖之禧來客茲土得交常之賢

人君子而不以禧爲不文命爲記勒諸石碑固謝不

獲于是拜手而言曰曾孔聖以學之不講爲吾憂而

免之大象曰君子以朋友講習

自

宋之小人以僞學誣君子。始有講學之榮禧。嘗以謂
講學之人。有不盡出于君子者。而攻講學之人。則斷
未有不出于小人。自宋以來。可見矣然。

漢唐之黨禍君子與小人相

攻也。至雒蜀之黨分而君子與君子相攻矣。雒蜀之
爭是君子之講學與君子之不講學者相攻也。至朱
陸之黨分。近日程朱陽明之說異而君子之講學與
講學者相攻矣。朋黨之亂千古一轍。世愈降而趨愈
下。嗚呼。不有君子其流既抑又何所底也。易曰殊塗

而同歸爲學者各有所得力之處要歸于聖賢之道而已是故弊有所必救則殷周損益雖聖人之制可以改其未善理有所合則諸子百家之言未嘗不可以發明聖人之經若執一自用是此非彼始以相長之義而成相勝之氣以徑路之殊成門戶之異則已之偏私膠固與小人之怙勢專利者其間不能以寸顧曉曉然曰吾講聖人之學者也是何異于之楚而北其轍手格父母而口誦孝經哉吾知諸君子之必不出于是也夫正其身以率物虛其心以

受人將天下之恆求自消。况一堂之上平禧庸劣于講學之堂不足供糞除之役。今因諸君子之請而妄述所聞于師友者以附記事之後。是雖不能辭道聽途說之罪或庶幾備矇瞍之箴頌云爾。是爲記

楊組玉曰敘興復始未處詳而簡論古今同異處全歸責于君子之正已平心是大有功聖學之文

陳椒峰曰予嘗語水叔吾輩作文苟無關於

世教可以不作雖遇極閒冷題猶將借以發
吾胸中所欲言况題位本與世教相關者乎
此文敘理學淵源興廢精當明確立身處世
之道皆可于此取法豈直文字之老潔爲不
可及哉

○○吾廬飲酒記

吾廬左瞰三巘峰前俯石閣開門羣山來几案主人坐而延之是於月夜惟良丁未仲春月望同新城涂宜振家伯子季子諸子世傑宜振從孫尚樞夜飲前楹月益明遠山四周塹若堤岸烟月沈浸空濛下視閣頂若巨石曠屹立澄波中時諸人馮鬪相對寂寥無聲彭躬菴負杖獨來翛然若遊魚出于水際余顧彭子曰樂乎彭子漫應曰子非魚安知魚之樂諸人乃大笑皆曰良會不易得更索酒飲盡歡久之似聞

嘵中兒啼聲淒淒然若杜宇鳴夜半於是宜振病新
愈明日復病雨沈沈不休天霽而余同二涂之新城

江玉仲日縹緲恍惚光景不窮

兄善伯曰一結寓消息剝復悲樂無數大理較坡
公蜉蝣一粟有盡有主等語更爲含畜

○皆春堂記

禮曰盛德在木于時爲春易曰天地之大德曰生人之術莫生于醫良醫之術能生人庸醫之心亦未嘗肯殺人庸醫無殺人之心而殺人是以春行秋令者也范文正公從相者問爲宰相對曰不能則問爲良醫宰相而下六卿九牧赫赫尊遂者甚多舍是不問而問醫然而得其術者蓋罕矣世傳天醫之星臨京口京口何元澄精醫術洪熙初授太醫不就時三楊各書一字極其應事日皆春堂元澄裔孫嗣東良醫

也。弟子薛東儀得其術。東儀少習儒書。能詩近更好。禪學。予嘗戲謂東儀曰。禪尚寂滅。而醫以生人爲本。子之學。得無相背。東儀方思有以對。予笑曰。無傷也。西方之書。不云乎。佛視衆生。如一子。地子。以一子。地。之心。行。生。人。之。術。是。真。良。醫。也。已。東。儀。不。忘。其。師。因。邇。而。上。之。仍。皆。春。槐。其。堂。西。方。有。樂。園。四。時。如。春。其。木。秋。冬。不。凋。落。竊。謂。此。土。也。當。使。世。之。醫。良。于。心。與。術。者。往。而。居。之。東。儀。其。或。庶。幾。乎。

兄善伯曰。語多巧發。然能不俗。

○○白渡汎舟記

丁巳四月予訪蕭子孟昉於白渡舍龍眠陳子之室。門臨清溪平坡曼衍綠草延緣洲渚廻間黃犢鳥犍散牧其間或嗜或飲或寢或奔隔岸有高樹斷林屋瓦上下隱隱見大江遠山黛橫平截天末予甚樂之獨恨未有亭閣足游憇五月八日晴天無雲江水倒入浸灌坡陀綠頂微出明日大漲東西瀾漫勢合大江極目所周不下十里五抱之樹叢篠氛蔓植半水中孟昉方營膝窩予薄莫過之登黛橫樓以觀漲水

周虎落樓在中央孟昉日月出風微與子汎舟乎乎
大喜於是牽野航懸躡板而坐浮乎中流波平如綏
人影在江予謂孟昉曰吾性耽花月觸緒紛來不能
自定唯臨流水則忘憂孟昉曰人生適意爲樂耳苟
能自樂何妙非水吾明年六十其何不自解天之役
爲詩曰子有酒食何不日鼓瑟且以喜樂且以永日
宛其死矣他人入室於此同敍同遊者孟昉二子從清從沛
弟子從泓妹婿陳子則象白木僧寂聞孟昉乃指二
子而謂子曰詩所謂他日匪他此妙即是也人苦樂不

相代如食木果甜酸自知耳既夜舟子廻船鼓枻予扣舷而歌曰山杳靄兮月霏微水澹澹兮吾何之洞庭無風兮彭蠡不波叶吾徜羊兮風吹衣

蕭孟昉曰寫景處有舞画之工無一筆依傍赤壁而旨益高妙歌寓意自深但覺瀟灑出塵耳

○○龍臂記上

海外之國有龍臂焉燥而裂之無異於赫蹠埃垢之可浴而解也則反其故矣食之以墨則不變其類有二誓若荼者曰白臂微土色曰黃臂人或得之以罨畫爲質劑焉魏子見而嘆曰噫此懷不龜手之藥而汙澣洗者也嘗爲之極其用水行則有滅波酒酒飲藥之能陸行則有塗附烟幕丹浮褚衣之變陸行則資水水行則不資陸聞之古人蓋剗股以濟矣何其酷而不再也由斯以稱草木之滋不可常東房伯子

之圖遺其則則交失亂其端則交得或斯疑焉則斯悟焉匪其賢矣龍營之名余不知其何名信南山之五章曰執其鸞刀以啟其毛取其血營營脂也或曰龍脂塗之

○○○龍骨記下

龍骨之用廣而多變不可以不記故隱約其文俾明智之士苟獲是物自悟而自用之得意者忘言可也夫水行貴黃骨陸行則二骨並宜水行尙酒酒陸行之尙小者丹浮大者褚衣而褚衣爲尤神水行之用懷以金石衣其產而紩之則壽三倍矣塗附之用水飲而搏烟幕丹浮脂食而臧其疆則出入自得矣褚衣之用陽以黜色陰以文章左右袒以其類而他族交其四垣則白日游止入羣不亂極乎中庸矣烟幕

丹浮之用。面表而無裏。褚衣之用。再表而再裏。無裏之用。噓以元氣。再裏之用。周以游刃。然七用各因其時。不可偏廢。是以並著之篇。引伸觸類。神而明之。在乎其人。嗚呼。吾甚痛乎古今忠臣義士之脫衣帶而膏鉞質者也。

○○文木屏記

余客橫溪得文木之屏三一方九寸攢嵒積嶂岩壑百狀夾山之間瀑布潰下注而復湧波濶沫起廻薄有流於無際屏陰亦然文皆隆起山水之皴可捫而得也一方六寸空濛中見羅漢騎獅子頭目口耳鼻須眉卷髮毛尾畢具一峰再成有大鳥翔起展翅垂尾眼珠頭頸歷歷向朝陽而鳴若丹山鳳翥高七寸廣視高減七之三加一之六也狀層巒飛瀑及鳳翥者得版於橫溪文學孔生家羅漢獅者友人貽槃

一枚予察其異命工截之輒爲屏橫溪軒新城之西
鄉也地連閩閩多產此木然文必數百歲合抱之得
人五六手異者山水人獸龍鳳雨雲花樹螺蛤奇惟
一一如寫竊嘆天地至文不假雕琢自然變化旣生
樟柏松杉爲人上棟下宇棖桷欂櫨以安其身而娛
耳目悅心志之物。逞逞錯生其間。天地之于人亦至
矣。閩山中人利其木炭堅每伐以爲薪或爲屋壁脚
櫓圍之屬工云木皮一二尺許白無文其美在中故
人不易識解木心者四面橫斜曲直鋸之錯節根盤

處文最奇密工雜作槧檍筆斗硯匣厨床几几或長丈廣尺二寸以上粵東花梨滇櫻木皆文不及孔牛雅好之嘗求木數百里外鳩工作而市故器盛於新城而橫溪工爲能新城人呼曰花木余客五載購之衆獨此三版爲絕也桐城方太史云卽紅豆樹所謂相思木是也一云瀉瀉木一云鷄翅木皆以其文似之故名近有司誅求甚盛工頗失業閩界木亦垂盡云。

彭耜庵曰寄托淡而無跡尤妙能脫去韓柳

○○宛臯記

余初游秦郵見黃黃山間所與游何人黃山曰李子以氣矜聞淮左折簡致之相見於南樓余遠返邗上明年再至始報謁經西城之隅屋瓦漸稀林木蔬圃雜藝如方野迺渡長渠徑小堤高下垂柳望之隱見若有亭榭則廣池演漾渠甃社之水東環而瀦之於是架板橋左右偏衡木折而迤於門垂堂則池水再絕躡板如馮几以延西除倚檻而立滉滉然澄澄然亭榭浮於水際余顧而樂之忘返也李子曰吾之新

有斯堂也其爲我名之予曰堂中隆高故曰丘上有丘爲
曰宛中宛丘郭景純曰中央隆高故曰丘上有丘爲
宛丘斯堂也不丘而臯臯於水若丘加堂焉丘有丘
矣名之曰宛臯詩曰宛在水中央思伊人也李子二
十年汲汲若不自釋者誰思乎

李于庭曰班剥與秀柳子厚復出于世

○看竹圖記

余性愛桃花與竹所居勺庭在翠微千仞中環庭樹桃右岡種大竹然僅百餘个十九歲後每令人畫像悉不工最後命戴生畫看竹圖戴生名蒼字葭湄西陵人寫人婉婉如生筆文秀絕天下矣辛亥冬相遇於揚州予方毀服急裝而戴生爲予寫山居像冠一幅布衣方領寬博前後修竹萬竿清溪帶其下曳杖蹣跚獨行而容與予亦自驚爲絕似也色微皙然在山中時恒如是衣領右弛見胸尤得神解不知戴生

何。自。得。之。予。自。分。固。陋。生。平。于。所。作。詩。文。于。生。日。于。
出。山。還。山。卽。不。敢。乞。人。一。言。于。畫。像。亦。然。壬。子。秋。將。
歸。勺。庭。念。友。不。能。盡。交。人。情。物。務。不。能。盡。閱。識。誦。杜。
甫。在。山。泉。水。清。出。山。泉。水。濁。慨。然。太。息。將。復。閉。戶。不。
出。獨。知。交。中。懷。道。執。義。古。之。忠。孝。者。先。進。後。進。咸。有。
其。人。終。焉。離。隔。不。無。恨。恨。于。心。乃。以。圖。尾。紙。請。留。筆。
墨。古。者。賦。詩。見。志。不。必。自。作。諸。君。子。自。三。百。篇。下。放。
漢。魏。樂。府。而。止。或。取。義。比。似。或。意。托。規。勉。選。意。寓。書。
又。或。工。繪。事。一。作。山。水。草。木。物。器。之。形。亦。足。資。教。戒。

也夫詞乃徵古物取通義言近指遠庶幾無惡云爾
閏七月望日易堂魏禧自記時年四十有九

○○有懷草堂記

凌子蔚侯取小宛首章之義題其草堂曰有懷謁予爲記凌子日草堂去廣陵城五十里在橋墅之南先君子實經始之未成而卒已而先母又見背吾之登斯堂也如見二人焉惧夫久而漸忘也乃以是名其堂嗚呼孝子之於親見其書冊杯棬仰其棖桷俯其几筵莫不惄然有傷於其心而况始其勤未享其成凌子之言古孝子之志也當是時西南變起風聲及大江南北天下益多故君子以凌子有握粟出卜集

木履冰之戒。欲慎守其身。以無忝其所生。不獨杯棬
棖桷之感也。諸葛武侯曰。苟全性命於亂世。不求聞
達於諸侯。蓋亦慎之至矣。然卒觀其所就。夫豈苟全
性命者所爲哉。孝經曰。立身行道。揚名於後世。以顯
父母孝之終也。吾聞謝文靖公鎮廣陵。旣築埭邵伯
爲民瞻水患。復置七墅爲公餘游眺之所。今橋墅其一也。
文靖當東晉時。京室阽危。日緩帶高屐。泊然不加喜戚。於其心若優游以終身者。旣而淮淝功成。處分早定。於晉室有再造之力。沈子居其地。學古賦詩。

得母思其人且小宛之三章曰中原有菽庶民采之
螟蛉有子蜾蠃負之教誨爾子式穀似之其四章曰
我日斯邇而月斯征夙興夜寐無寐爾所生蓋深悲
乎時之過中惧教誨之無似有陶士行致力中原惜
分陰之志焉昔人謂士行結納賢豪與復東晉爲不
忘其母之教以至此嗚呼此善于言懷者也余故廣
凌子之意而爲之記且以告孝子之不忘其親者

楊蘭佩曰平正題曰却發如許議論如蜃樓層層
憑空構架然皆在本題情事生出要歸平正故爲

難到

○○○重建平山堂記

平山堂距揚州城西北五里許宋歐陽文忠公所建
公守郡時當慶曆末天下太平公治尚寬簡故獲興
是役與賓僚飲酒賦詩其中今六百餘年廢興不一
至於蕩爲榛蕪盜據爲浮屠而其地以公故益名於
天下登臨者慨然有峴首之思焉揚州古稱名勝然
絕少山林丘壑之美城以內惟康山一阜頗三面見
邗水外則平山堂望江南諸山最暢康山旣屋而平
山堂又久廢矣自堂建後揚州數遭兵禍至紹定初

歷一百八十有二年而李全之亂猶置酒高會於平山堂豈斯堂倖免兵火抑燬廢復有賢者修舉之耶今觀察金公前守斯郡政既成慨先賢之不祀郡之最勝地久廢與鄉大夫汪君蛟門謀廓然新作之不足以一錢會諸民五旬而堂成有堂有臺其後有樓翼然以祀文忠公軒敞鉅麗吐納萬景視文忠當日不知何如

而觀察公化民善俗之意亦因可以推見

蓋揚俗五方雜處魚鹽錢力之所轉仕宦豪強所僑寄故其民多嗜利好晏游徵歌逐妓袴衣媿食以相誇耀非其甚賢者則不復以文物爲意公旣修舉廢墜時與士大夫過賓飲酒賦詩使夫人耳而目之者皆欣然有山川文物之慕家吟而戶誦以文章風雅之道漸易其錢刀駟儈之氣

而揚土澠曼平衍惟此山差高足以用武之地公建堂其上又習以俎豆之事抑將以文事靖兵氣焉公名鎮字長真浙之山陰人丁巳仲

秋余客揚州公適自江南來攝鹽法乃停車騎步趾委巷而揖余以記見屬余惟康山以康公海得名平山堂以歐陽公名天下嗟乎地以人重公其自此遠矣

黃仙裳曰紓徐逸宕歐陽子之文也長真先生得之擊節報書云當日廬陵構此竟未作記而東坡諸公何以亦無文紀其事不獲比于醉翁豐樂得先生大文補此缺陷不獨山靈生色併有光昔賢多矣附誌此以爲一則佳話

汪蛟門曰歐陽公建堂當太平無事之日金觀察
修復直兵戈屢廢之餘前後相映自是有情文中
大關鍵在化民善俗立論得體而波瀾淡宕回折
多姿尤見用筆之妙

○○洪武四年會試錄記

嗚呼此洪武四年會試錄則家養士三百年所自始者也。不四十年有遷國之變忠臣義士趨死如歸其後雖以靖難之參夷議禮之誅斥逆奄之摧折而甲申以還天下紳紳之士窮岩草衣捐身執節以自獻於先王者不可勝數謂非聖祖養士之報其能然哉是錄崇禎時興化李公爲吏科給事得於垣中壬子夏薦謁李公伏出見示按考試官四人詹同宋濂原本其一則前貢士鮑恂也以元貢士儼然與本

朝學士並列考官而兵部主事許方僅主彌封翰林院編修唐肅主對讀意當時恂有文名徵授學士不就故特命同主試事而不以加於郎官史臣爲嫌耶其題先五經次四書疑共二首爲第一場論詔表各一爲第二場策一爲第三場是科中式者一百二十人江西凡二十七人吉安得十一焉吉安科名盛於宋及元多誠子孫不仕至明又盛自此科名甲天下吾邑有管貞者亦中一百十一名易曰聖人作而萬物覩下里小邑與有榮幸而九十七名金壽則高麗人

也。聖祖用人之無方，取士之法並見於此。禧又按洪武十七年始定三年大比之法，前此時舉時罷而三途並用。洪宣間以薦辟吏員至大官者尚不乏人，蓋不專以科目取士故得人爲盛。中葉以來至于末造，士非科目不進，科舉之文益迂疎浮濫，不足以用。僞人並售禍及國家。此禍掩卷太息而不勝懼。興之感焉。李公名清字映碧，古所謂不愧科名者，宜其實而藏之。歷患難播遷，不敢失墜也與。

宗子發日記述中各帶議論，而前段推崇養士之

報末段補論取士之弊皆極關係文字

○○陳澹仙先生像記

丁巳十月五日夜禧與泰州黃雲會飲追及甲申三月十九日事因道聞報時禧與先徵君痛哭幾氣絕雲遁喟然長嘆淚流被面哭哽咽不能止合座歔歎

謂、

黃子天性忠孝久而不忘若此雲日此

陳先生之教也先生知泰州多善政雲弱冠受國士知每身造廬或下榻信宿數勉雲以忠孝雲驚下終身不敢忘國叟先生守義傑特以死雲家有獨引木主祀先生配以師友 賢者 又使畫工

畫先生像凡出千里必偕禧敬請瞻視豐頤廣額鬚眉儀觀俊偉眉端微愁色佩劍而獨行先生嘉興桐鄉人名素字澹仙崇禎癸酉甲戌以春秋慰多士既用泰州治行行取入覲朝議以賢能吏補危疆得冀州甲申京師陷先生義不辱懷州印南遁日哭泣疽發背幾死佯狂棄家變姓名教授上海縣之窮鄉有客過先生坐甫定而鐵騎五百圍村落僉縛去客死先生繫獄一年出猶破家結客卒憂憤死方先生繫獄雲間破產赴之營救萬端東粵高僧祖

心謂人曰黃君誠至直令白虹貫日必辦事無疑也。先生善詩獄中有喜黃仙裳見過七言律詩甚悲壯。頻庵之年有感懷五言古詩二十首禧獲見其手書。貽雲卷筆法蒼挺如對忠臣義士後學寧都魏禧敬書

楊友石曰庄度嚴峭而筆力蒼挺文亦有忠臣義士氣象

附錄

予嘗取史記內程嬰公孫杵臼印之左傳皆事相左而名不見乃以此愈知太史公立言之妙也筆

端所組織能從無幻有然未若從死起生舞謂幻
有僅從空結構而起死須從實開發也若魏叔子
所作陳澹仙像記其幾乎敘事旌心言必核實能
使不祿有年之澹仙如聞憤歎如聆噫嗚雖死而
生何殊而總以一言蔽之曰有本噫澹仙君臣之
義其篤矣乎故能以一點種子傳之門下士而黃
仙裳其首或破產救厄或乞言開幽仙裳師弟之
義其篤矣乎雖然亦有本今詳閱叔子像記謂仙
裳與叔子談及三月十九之變猶感咽如新噫仙
裳君臣之義其尤篤矣乎夫能先識乎其大而師
弟可知已雖然非叔子文筆之妙誰傳其師若弟
者故吾重其文而因重其人且重其人而愈重其
文興化李清暇碧氏跋

○○○楊仲子躬耕圖記

有爲楊仲子作躬耕圖者野冠草服坐石上原田每
每土脈草芽童子驅牛而過板橋

耕當有耦

語曰長沮桀溺耦而耕獨坐石上何爲古

躬耕最上空桑氏次如南陽皆不聞有耦耕人空桑

古遠不可考南陽发如崔州平徐元直輩何不使衡
宇相望耰鉏後先吾迺知草廬對沼烈語識時務甚
熟彼不出戶庭抱膝人何由得之蓋其友出入四方

交世奇士采時聞有以詔斯人也然則偕其友耦耕必絕意世務沈冥不反如沮溺者非然者則必不使其友共爲老農與牛犢牧豎對仲子是圖其有意師古人抑偶然爲之吾姑記之問世之知耕者

胡心仲曰從一耦字生如許妙論文之伸縮矯如游龍末又作閒閒收住此躊躇滿志之技也

高念祖曰杜工部題畫尺幅應須論萬里可以舉

似斯文

○○○十二硯齋記

汪舍人客京師夢得十二硯因以名其寓室他日問於魏子曰是夢也爲致耶爲咸陟耶魏子曰致也予好文章日親事筆硯然而入廣殿遂取以歸者咸陟也夫夢惟咸陟惟有兆故曰無心之感致也者弗應也舍人曰應之奈何魏子曰今夫文章有律呂之聲焉有春秋冬夏之氣焉皆十二之數聲盡乎陰陽氣備乎四時則其變化不可勝窮矣夫日數窮於十子又加二焉是以配而益多生而無窮此文之法也舍

人曰於硯奈何。魏子曰：古人志之矣。唐庚曰：筆銳也。
硯鈍也。墨動也。硯靜也。夫文章之道，多銳者易折，善
動者易流。故必運動於靜藏，銳於鈍。此聖人之愚色
書法所謂如畫沙如印泥者也。此文章之法也。子之
文其歸於是矣乎。舍人曰：惡然而吾謹志之矣。舍人
名懋麟字季角，以文章名天下。天下名士稱曰：江都。
汪峻門。

杜于皇曰：以十二與硯硬作兩段，而文極與衍變
化亦所謂運動於靜藏，銳於鈍者。

○○歙吳道行仙源橋墳山碑記

歙縣吳君道行，僑居揚州，欲長子孫聚族于斯土，遂買山爲壽藏。先葬其元配方氏而虛其左爲百歲之室。時予客揚，乃介追子旦菴謁予記之道行曰：吾聞葬者藏也，世之人惑風水之說，有屢遷其祖父求富貴者矣。願予明示吾子孫也。予按是山故揚州吳氏墳地，在仙源橋東北，不及一里。環山有松柏林，材揚吳氏因葬。師言是地不宜貴人，遂更卜地，遷去穴爲荒墟。仙源橋圮，道行出財首倡修之，常過其處，愛其

風景遂買諸揚吳氏時吳氏墓遷二年矣予謂道行曰君得母以前事爲鑒耶夫葬者藏也藏也者使人之弗得見也孔子曰死生有命富貴在天天予有德故錫之以福天罰有罪故報以禍使富貴貧賤而一聽于地則天爲無權是爲臣而擅君之威福爲妻而牝雞司晨者也是故君子弗道夫以不可知之富貴予其親以荆掘播蕩之禍甚至鬚骼狼戾玩弄于匠隸之手而謂其祖父猶蔭庇之天遂徇地之權而富貴之有是理乎古者未有遷葬之說唯王季墓潔水

嗜而前和見乃始改葬昔晉惠公以太子之禮改葬申生臭達于牆外申生晝見狐哭曰夷吾無禮吾得請于帝而罰之矣申生自經新城其葬也以罪必有極夫鹵莽而不堪者易以太子禮意豈爲惡申生然且以無禮訴之况私謀其身之富貴然則人非萬不得已而遷葬其爲祖父所譴責也明矣道行好行善諸利濟人事逞逞出財力襄之故老而舉子子孫當有賢者吾懼乎其後惑于葬師欲多于前功失葬藏之義故爲是說告之若夫不肖者鬻祖父之墓而享

其財。貪人之地利以貨取其子孫。則天地鬼神所共
罰。極固不必爲好善者之後人戒也。道行以是記勒
石墓道並載山券碑。陰使子孫觀覽焉。

湯映台曰。痛發遷葬之非。足以曉愚警俗而文氣
蔬暢而篤切。

○○揚州天妃宮碑記

廣陵驛河之東有天妃元君廟歙人程君有容所特建也揚州古無祀天妃者相傳明中葉閩佑客泛海遇颶風舟落大洋衆饑渴欲死仰見空際有神女見知爲天妃也羣泣拜而跡之至絕島多奇花卉有鳥卵五色布散崖谷間衆拾而吞之不死客日是必有故相追尋一里許得像石崖中與所見神女畧同衆相率拜謝遂奉以登舟像質沈香脰搘骨節運動如生人像登風作舟達故處後過廣陵舟忽重百人

牽繩縛許邪助之膠不進乃以筵簟卜于神曰神其樂此乎許之于是醵金造宮于邢水之上嘉靖七年宮改榷部署移神像萬安宮樓側揚之人不知有天妃者百六十餘年矣程君歙人而僑家廣陵娶婦十年始生子生輒以痘殤其後二子痘復危程君夢神女臨其家侍衛都盛如王后異香滿空庭宇生光明心意爲天妃也夫婦叩首泣乞活二兒神命牽視之嘆曰不可活矣我將爲汝定回關丁後當無恙且多男子程君哭而醒蓋天妃主江海兼攝痘事及人祈

子嗣甚靈應已二兒並薦年三十三更舉子凡七八人皆長大如神言程君念神大德無以報一日過萬安宮見故像如夢中乃大驚將卜宮後址祀天妃其友閔君世璋曰不可萬安宮祀火神而天妃木神也子生冠義不宜宜木次程君于是卜廣陵驛之河東廢地特建宮下臨邗水漕運鹽船百貨之舟日夜過不絕而門而廡而殿而閣煌煌翼翼垣墉綈密庖湼潔清故像既飾復束木附塗爲冠裳朝天之儀巍然高博則皆程君所以報享于神者也費凡千金程君

身董工作而閔君亦效百餘金黃君朝美相與鼓舞
出金贊其事遂經始于丙午四月至八月落成恭非。
獨以酬程君之至心而南北舟楫來往者皆有所祈
報以無恐程君之功爲不可誣矣按神闡之莆田人
興化志載五代閩王時都巡簡林公愿第六女歿而
爲神賜號天妃而墓城倪中天妃廟記則云神生宋
元祐八年一云太平興國四年神生有靈異幼通悟
秘法預知休咎比筭不字能乘席渡海御雲以游島
嶼衆呼爲龍女雍熙四年上昇或云景德二年或云

紹興乙丑八月六日聞空中樂聲氤氳有絳雲若乘
自天而下神乘之上昇是後常衣朱衣飛翻海上里
人祠之數說者未知孰是然考宋世神凡十四益封
明永樂嘉靖間屢著神異晉封奉祠而夫人之游江
海及水旱疾疫每祈輒應若程君之事不一而足則
其爲有功德于民而可列諸祀典無疑也揚邗江雖
小然去淮海近淮故有天妃廟凡瀆海之民與享神
功揚之立廟固宜程君克舉曠祀功在不祧獨神語
所謂回關丁者終不可曉世之博雅君子必有能知

者諸善士出財力及木石瓦甓金漆之費別有簿

王築夫曰文分三大段首段敍神像所由來中段
敍程君感夢建宮末段敍神之本末却將神許多
靈異都歸到程君建宮之功是最有法度文字而
造辭古雅尤見筆力

○○○重建法海寺記

揚州平山未至一里許有法海寺

府志載寺創于元

至元明初重建之增修于正統寺址水周四面形如蓮花後有土埂脉自三山迤邐而來穿水以接於址若莖然游平山者舟必過寺橋春秋之日畫舫蕭鼓無虛時盛夏蓮開士女游眺瞻禮不絕鼎革後寺圯僧撤梁木椽瓦露佛以募于衆數年不就諸佛久雨立游人趨而過之心怛然莫爲之所者僧行人程君有容善士也夜夢入大屋前後門閉不得出甚惶懼

顧見諸神顛仆敗塲中泥落藁見後有狹室疊趺神像無數頭足形不具節解支分程君旁敬大客事顧無一人慄怖益甚遽叩頭祝曰願我得出必修此已出門見河水遂寤他日與閔君世璋述之閔君曰出門見河其法海寺乎是寺廢有年神其以煩君也程君過法海則一一如夢所見乙卯春君迺謀于祥光和尚自出四百金倡建閔君先後亦四百金大殿既啓會得五臺僧洪舟所募五大士像復建高閣殿後奉之而吳君自亮出金二百五十席君上珍二百金身董役作

吏科給事李公宗孔暨黃君朝美等並宣力襄事凡
幾月而告成殿高幾丈廣幾丈深幾楹佛諸天
羅漢像皆塗以赤金丹灑其座閣高迥殿廣稱之於
是游平山者必登法海皆誦程君功德往吾與親知
論建_建_大寺觀之說儒者闢_辟_教一氏不可通于衆人然創
新革之不如修故也甚矣三教之說不同其欲利人
濟物則聖賢仙佛無不同者故佈施者崇大觀寺多
雕塑仙佛不若以施窮苦無告之人賑饑救溺諸急
難蓋仙佛之宮遍天下不必更增一宮像遍天下不

必。更。多。一。像。夫。移。廟。像。之。財。以。利。濟。人。物。此。固。仙。佛。
之。至。心。雖。然。因。其。舊。所。有。修。其。圯。壞。而。新。之。則。有。說。
神。明。之。人。生。而。好。修。當。世。所。謂。賢。者。也。或。助。王。化。所。
不。及。或。功。德。加。于。民。前。之。人。既。像。而。宮。之。矣。至。于。傾。
圮。糜。爛。如。程。名。合。君。夜。之。所。夢。日。之。所。見。雖。聞。者。不。勝。其。
惻。怛。夫。聽。訟。之。樹。弗。忍。翦。伐。壘。上。之。草。木。禁。樵。採。而。
况。親。貌。其。像。庇。其。貌。之。宮。乎。程。君。數。感。異。夢。一。見。于。
天。妃。一。見。于。法。海。夫。天。妃。無。宮。故。不。嫌。特。建。法。海。因。
舊。所。有。是。皆。能。敬。鬼。神。而。無。妨。于。民。義。者。予。故。並。因。

其請不辭而爲之記。

楊青臣曰敘致峭拔處極似柳州其閑肆處極似眉山而議論正大尤堪持世○凡作修寺觀文不極推贊便失作記之意一味推贊又非儒者之言先生文一日利人濟物一日無妨民義是於揚善中能不失儒者本指

李梅隱曰寺像荒敗不從實處敘而於夢中一一描寫此古人脫換之法也

○○○重修金精山碑記

金精洞漢女張麗英飛昇後其名勝聞天下寧都固
僻縣然以不、可、不、舍金精顯仙女廟漢魏來宜有之可考在唐
宋迄明興廢之故具載弘治中邑人黎璠碑記崇禎
甲申之變予僑家金精峯頂而數百年之木松杉修
竹爲勢家翦伐已盡殿宇日就傾圯道人卞醇醇與
吾友李咸齋彭天若倡修之未二十年瀑水敗殿東
角樓亦就圯歲戊午吾門人楊御李授徒洞中慨然
感之與主僧倡衆修舉加丹覆焉請記于予蓋自宋

以上唯祀仙女徽宗時以祈雨有應賜號靈泉普應
真人至洪武初改祭山神洞外雙石下春秋行祈報
禮爲祀典之正予則謂仙女守貞不字與古之高士
逸民同李咸齋又以爲神仙無不忠孝衡山首弒義
帝女故疾之豈以悅己容哉固足以愧夫苟且榮祿
與夫終南之徒以隱逸爲仕宦者廟而祀之夫誰不
窪自洞迤西北奇石四十里拔地倚天其巖巒之最
名者十二峰皆金精地代多隱君子結廬其中不獨
衷_{○措○語○用○意○妙}不事二姓也其亦仙女之遺風與洞中_{另以}大殿_是奉

道家浩通與中間一不論
二清像傍小屋爲仙女祠按舊志洞外有陽靈
觀御書諸樓自弘治時已無有後之君子倘有好事
爲興復者當徙三清像于外觀而以洞中正殿特祀
仙女云戊午五月邑人魏禧撰

黃渝邵曰叙議雜出如巖巒起伏雲烟出沒用意
處最爲高渾也

○○崇禎皇帝御書記

己未九月禧就醫泰和過贑會捉船不得行卧故賈將軍季公子重儀所偶論古帝王工書法實天縱非人力也重儀因言吾家藏有崇禎皇帝御書益先將軍舉舉引下段葬楊文正公公子以是報云公官翰林院時所賜禧敬請瞻仰免冠叩頭展視草書唐人句當軒半落天河水遙徑全低月樹枝十四字上朱璽崇禎之寶璽上押帝字大如錢所書詩字大五寸許筆法遒勁秀好煥然天章皇恐悽愴者久之禧往見

御書松風水月及賜督師楊嗣昌詩皆墨刻又於楊
州興化李廷尉清所見御書所批考選卷面科九二
小字並未足方是書時天下多故皇帝礪精求治
宵衣旰食惟日不給而以其間精藝事如此非天縱
聰明其孰能之禧因顧重儀當珍藏爲世世子孫寶
勿謂得之易也文正公諱廷麟清江人初乙酉公將
入閩過贛見虔督萬公元吉獨支巖城遂以義師畱
贛辦軍事丙戌十月城破公死青水塘池中時遼東
賈將軍熊爲右軍有部丁獻佩刀者刀鐸及室皆黃

金飾將軍曰此必非常人親馳往視屍識者曰此楊
閣部也將軍惄然曰忠臣固無彼此迺召部画工寫
其像趣匠以四門扇爲棺瘞之西門外河上他日將
軍鎮寧都建牙禧故宅邀相見道此事禧公門下士
也辛卯四月請於將軍將改葬將軍命故瘞者從禧
往率鋤鉏七八人之河上凡發土十餘處不得蓋金
王之變營西郊塚墓皆夷不識其故處也禧旣希到
輒亦不復聞問頃重儀乃言庚戌歲公子來求屍
得之將軍爲改葬立墓碑致祭成禮葬後十年其家

人無有至者重儀使人道禧往道迷久而後得之拜伏不勝嗚咽豈與國休戚荒塚蔓草蕪穢不治公固當有是與墓臨西河上在楊梅渡灘兒下楊秀亭卽大靈王廟右百步禧兩求公墓皆有詩在別錄

杜于皇曰文劃然分兩截上半記御書下半追附葬文正事却是所以得見御書之故又不明白縮緝只用重儀上不照拂斷而實連此左氏遺法也文不作慷慨悲愴之狀但約畧數語悽婉不盡

○○半山寺記

蜀口洲渡小江而北行里許有古柏繞垣內廣地二畝屋五分之一曰半山寺蓋洲歐陽氏介庵所延僧奉佛香火處也先是介庵外父曾太常公名汝召以華門地吉儕家焉實營荒土以樹以垣以門以堂夏有涼軒冬有窯室藏獲尾廝倚垣而屋者數千指太常沒葬其近麓祔於域者築室鄭氏王氏鄭氏之子諸生子冲久之太常子孫歸籍龍南而改葬太常於泰和之祖塋既盡析其旁屋市之已又將市其

堂軒與地介庵聞而愴然曰悲乎傷哉太常公所經營盡矣

情○忠○厚○之○意○溢○于○言○表○

且此三塚者將安所托於是竭他資產買之

介庵又念是宅也以居室則荒讀書之堂則罕至皆不可以久於是稍改制爲佛殿爲經堂爲僧徒寮爲

香積而延僧如石主之於其東堂祀太常公主及鄭王氏子冲又以無後追祀外祖父沈公舅氏諸外兄

焉蓋鄭氏爲介庵親外母子冲不嗣王氏一女適賴縣劉孝廉德藩介庵廻命世世子孫春秋掃墓並享酌嗚呼人情莫不私厚其婦至婦死外家凌夷久而

不忘委曲以圖存之者則罕矣可不謂厚矣哉予嘗讀禮怪夫人父母生女子鞠養教訓至於成人則爲治裝具委而之他姓服他父母以三年喪然則妻父母之於女夫恩亦至矣而其報妻父母喪纔五月何其薄也及讀律則女夫之罵詈其妻父母者罪至重而禮又有入官諱妻父母之文乃知喪服之薄限於降殺以兩之禮而律之罪重所以本人情之中而補禮所不及昔陳涉當擾攘之際奮起爲雄身號王者天下歸之如流水及以貴倨見婦翁長揖不拜而門

下豪傑去者強半然則加禮于妻之父母固古今天
理人情之中正而非可以私言也予己未冬客介庵
所同游半山因爲子道本末而屬之記以示後人初
形家言此地法當出紫衣人故太常特營居之今竟
爲佛舍居僧徒然則所謂紫衣者蓋緇衣也亦以徵
術家言不足盡信云

門人梁份曰議論好處易見須看敘事處頭緒最
多却井井無一繁筆而于太常及其子孫有許多
感歎處全不掀露此書家藏鋒法也

○○○觀行堂記

蔡子璣先以觀行名其堂取論語父沒觀其行之義請記于余余告璣先曰世之爲子孫誰不曰繼志曰述事哉考其所行與賢祖父若相背而馳焉者且爲常人之子孫難而易爲賢人之子孫易而難。璣先不欲以虛志大言爲孝而思實見于其行其知之也審矣。子之父抑庵公爲名進士有治行以恬退終推而上之。子之王父二白公以死抗魏闇之黨以散僚出奇計平妖賊以郡守除大憝而格直指使者爲古名

臣所難爲。又推而上之。子之曾王父守塘公以匹夫
躬至德。然則子之行亦難矣哉。且夫人有親沒既久。
而哭泣哀思不少輒者。此不可不謂之孝子。然泣血
深墨者。人子之情乃與其祖父何與。孝經曰立身行
道揚名于後世。以顯父母。世所謂顯揚掇科名。取大
官富貴。邀誥贈而已。夫操莽不難。以天子之禮樂享
其先。李林甫秦檜不難。以宰相推封祖父。然而指操
莽林甫檜以命之。則凡爲人子孫者。不樂居而祖父
有所不願。故曰立身行道。以顯父母。璣先觀行之名。

意取諸此。吾聞守塘公之爲匹夫也。鄰有兄弟爭產而訟。句仇不解者。公未明懷金數十兩入其兄之卧室。長跪于牀下。兄寤而驚問曰。公何爲者。曰。子之弟有悔心矣。令我私進金以求田。勿爲人言也。兄喜諾。翼日又長跪其弟之牀下。曰。子之兄使吾道其悔願。以田予子。勿終訟也。弟又喜久之。乃知守塘公所爲。兄弟相與抱頭而哭。遂相好如初。又聞歲除有貧士難衣食者。公手橐米與金幕扣其門。門將關委之去。嗚呼。守塘公厚德若此。此古獨行君子之所未聞也。

是以克生二白公抑庵公以及于子之兄弟子兄弟並少負才好文學樂交四方之賢士而鋒穎可畏于二白公剛烈之風庶幾近之其將母益務平守塘公之厚德矣平易象曰觀我生觀民也人之觀子也衆矣其先自觀始璣先賢者余故于其請盡言以告之遂爲記

梅定九曰于三世重敘守塘公規勉婉篤使讀者之情悠然而深

王璞庵曰偉論切論層見疊出妙有推就安頓卽

具見文字中經濟手也

施虹玉曰詳寫守塘公事筆筆如画亦是潛德所宜表章與已登仕籍者不同而文之段落最古屈翁山曰蔡氏先人之善不勝書只舉一二見意此記體也然讀一二事令人想望無已是最好于表章者

○○一硯齋記

吳子介茲以詩文游四方。匝中有宋硯縱五寸衡半
之有幾高五分之一。又加半焉。形方有池無雕文質
厚而色理澤。吳子甚寶之。出入數千里不離側。置諸
青溪讀書之樓。則又以一硯名其齋。或問之曰。此祖
若父之遺畱歟。吳子泫然曰。變革以來。居室化爲軍
營。流離患難。先世之手澤盡矣。是硯也。師友之所賜。
吾奉之如先器焉。蓋櫟園周公之被徵也。公子雪客
懼覆巢之禍。手是硯而謂吳子曰。此吾父所藏。弄愛

魏子文集卷之二
都魏禧魏子曰嗟乎是誠一視而已足矣雖然吾於此得三道器之能久傳於世者必厚以重是曰先質而後文不負於師友必仁孝之人也是曰情而義吳子爲人靜質而好古是曰物以類從是爲記

汪舟次曰格力高古得左氏深處